

Fwn moenq lo.

Ndaw daemzraemx gwnznamh, fwn lij moenq roengzbae. Fwn youq gwnz raemx menhmenh ndik, hainduj dwg aen gien iqet ndeu, caiq mbe' gvangq baenz aen gien hung ndeu. Aen gien baez bienq hung, couh mbouj raen dem lo. Aen gien hung caengz sanq bae, aen gien iq gaenq okdaeuj moq lo, aen gien iq ngamq hainduj bienq hung, aen gien engq iq haenx youh caiq miz okdaeuj lo. Aen gien hung gop aen gien iq, aen gien iq caeuq aen gien hung doxdaeb. Ndaw daemzraemx, gij gien haenx hai baenz aen baenz aen couh lumj dujva nei. Mbouj liux mbouj cod, lumjnaeuz yaek baenzneix aen moq aen gaeuq doxlawh roengzbae.

Dwg ho, sing fwnmoenq miz gij yienghsiengq de, mizmbangj dwg baenz raemxlangh fubfeb luenzlu,

mizmbangj dwg baenz aen bop ronghcingx. Aen bop ronghcingx ndongqrik haenx bongzbwd, raengnwnq, caek fwn doek roengzdaeuj, lumj diuzloih nei ndaek de dek bae. Biba! Aen bop ndeu conh okdaeuj. Youq

gwnz najraemx vad bae riengjret, ndoj deuz gij fwn deihaeng' yaeng daj gwnzmbwn loenq roengzdaeuj haenx, caeuq aen bop wnq doxgap baenz aen ndeu, bienqbaenz aen bop hungloet ndeu. Aen bop hung deng rumz ci



Fwn Moenqsis

bae, yupyup yepyp, ndoj deuz fwn' iq caeuq mbawfaex henj, coh aen seiqgyaiq lwgnyez saenzmaed vad bae.

Roegfek raiz youq ndaw fwnmoenq angqvauvau ciuz "ci—ci—" Gyoengqde mbouj ndoj fwn, couh youq gwnz ngafaex godoengz ndwn dwk, fwn rwed dwk, yiengjsouh aen mbwn gyaundeide maezvunz neix.

Fwn moenq youq gwnz mbawfaex, cij miz di sing loq yiengjsasa, mbouj dingz roengzdaeuj, cix dingq mbouj ndaej nyi bw.

Fwn moenq youq gwnz diegnywj, gij fwn gwnz namhboengz deng sup hauejbae liux, naed fwn gwnz mbawfaex sikhaek giet baenz caek raemx luenz ronghcingx, caek caek raemx iq cungj dwg naed caencaw hau!

(Siuh Dingli/raiz
Vangz Gyanghmyauz/hoiz)



Roegcaeuq

Laeng gou bau le haujlai daemzbya, gwnz daemzbya ceiq ciengzseiz raen roegcaeuq. Moix baez gou ndij daxboh bae daemzbya cungj ndaej yawjraen gij roegcaeuq ndwn youq henzhamq dwk bya.

Roegcaeuq daj seng daeuj couh gyaundeide, de daengx ndang cungj hau, bwn hau lumj nae. Diuzhoz saeqraez gungj ndei, laenggyaeuj lij miz diuz bwn raezrangrang he, dep laenghoz loq utngeuj, saedcaih lumj dwg dah sausien gyaundeide ndeu. De lij miz doiq ga fonx raez ndeu, youh reux youh soh, ndaej caeuq duzroeg beghagsien beij gyaeu. Aen bak soem de couh dwg gaiq hongdawz dwk bya de.

Ngoenz singhgiz satbyai youqndwi le, gou daeuj daengz baihnaj daemzbya, raen duz roegcaeuq ndeu mbin gvaqdaeuj. Cij raen de bonghmbin gij fwed hausak, ra cinj le gizdieg ceiq ndei dingz youq henzhamq, couh lumj ndaek deusiengq ndeu nei mbouj doengh saekdi, lwgda sohrwdrwd cim coh gwnz daemz, lau loekgvaq saek aen seizndei dwk bya. Cijaeu yawjraen miz bya' iq fouz youq gwnz raemx, de couh vaiq lumj byajraez nei, aeu bak soem de dot bya' iq, caenhguenj duz bya' iq buekmingh siengj deuz, hoeng hix mbouj miz yungh lo, doeklaeng hix baenz gijgwn ndaw bak roegcaeuq lo. Roegcaeuq gaeb ndaej bya' iq le, bonghyat diuq bae, couh daiq gij ndeigwn de mbin deuz lo. De haengjdingh dwg ra gizdieg haemq dingh he, angqyoekyoek dwk gwn imq donq ndeu.

"Raemx gyae mok gvangq, miz duz roegcaeuq mbin aijsa". Duz roegcaeuq laj bit Ouhyangz Siuh haenx, lumj mbin ok fuk veh, youq gwnz daemzbya bienqbaenz boux dinfwnqz riengjret ak dwk bya he.

(Gu Hauyen / raiz Lij Lungzfangh / hoiz)

Cienzswnj Hangzdenh Cingsaenz Cengguh Nyezcauq Mizyungh

Daj iq, daxmeh couh itcig gangj gij gojsaeh "Cangzngoz Mbin Ronghndwen" "Houyi Nyingz Daengngoenz" hawj gou nyi. Baez daengz seizneix, gou couh gag guh gij loqsiengj ndeindi' ndi haenx: Gwnz ronghndwen caen miz duzdouq lwi? Naqgung caen ndaej nyingz daengz daengngoenz lwi? Danghnaeuz caen dwg yienghneix, gou caen siengj bae gwnzmbwn yawj baez he.

Hoeng ngoenzneix, gou sienqdi cix rox, gijneix caen mboujdwg saenzvah cienznaeuz lo. Gwnzmbwn, gaenq iet fwngz couh daemx. Dangyienz, diuz loh hwnj mbwn mbouj dwg heihfedfed couh ndaej caij okdaeuj, cixdwg Cunghvaz Minzcuz raeuz baenz ciuh baenz ciuh vunz, baez yamq baez yamq vunqdin byaij okdaeuj.

1949 nienz, Cunghvaz Yinzminz Gunghozgoz laebbaenz, aen lizsij Cunghvaz Minzcuz mbehai mbawceij moqsagsag lo. Cunghgoz hangzdenh saehnieb yienh'ok hoenghfwdfwd.

Youq 1970 nienz 4 nyied 24 hauh, Dughfanghngunz It Hauh Veisingh fazse ndaej baenz, aen guek raeuz haiok le aen nienzdaeh moqsagsag. Sawj Cungguek baenz aen guekgya gwnz seiqgyaiq daihhaj aen ndaej fazse veisingh ndeu.

Samcib bi laeng, seizgan dinghyouq 2003 nienz 10 nyied 25 hauh banhaet 9

diemj. Youq Ciujsenz Veisingh Fazse Cunghsinh, riengz dwk sing hung gok rwz yaek nuk ndeu, guek raeuz gag yenzgiu guhbaenz aen "Sinzcouh Haj Hauh" ruzmbin haenx deng soengq daengz gwnzmbwn bae.

Cien bi gaxgonq, "Cangzngoz Mbin Mbwn" lij swngghoz youq ndaw gojgaeq, seizneix Cangzngoz gaenq cingqcaen coh ronghndwen mbin bae lo. 2007 nienz 10 nyied 24 hauh, guek raeuz fazse ndaej baenz daih' it aen veisingh damqrau ronghndwen "Cangzngoz It Hauh", baenz gwnz seiqgyaiq daihseiq aen guekgya roxyungh veisingh damqrau ronghndwen gisuz. 2019 nienz 1 nyied 3 hauh, "Cangzngoz Seiq Hauh" aendamqrau saedyienh le vunzloih baez daih' it youq raeblaeng ronghndwen unq roengz deih. Youq baihlaeng ronghndwen louz roengz le dozsiengq cingqsik ndeu.

Baenzlai bi daeuj, mbouj noix hangzdenhyenz youq gwnzmbwn louzroengz le gij vunqdin gyoengqde, youq gwnz lizsij louzroengz le gij mingzcoh gyoengqde. Dangyienz miz haujlai gohyozgyah lauhei gehumhgmh mbouj miz vunz rox. Mboujgvaq, youq gwnz ndang gyoengqde myigmyanz gij hangzdenh cingsaenz haenx, dauq cigndaej dou ciengxlwenx geiqmaenh. Gij saenqniemh dinghmaenh ndiepgyaez guekcoj, vih guek ceng aeunaj gyoengqde, gij yisiz roengzrengz baenaj, gamj bae hamjgvaq gyoengqde, gij gunghcoz cozfungh gohyoz gouzsaed, yiemzruk nyinhcaen gyoengqde, gij aekgvangq doengzruz gvaqdah, doxgiet habrengz gyoengqde, gij binjcaet sangndei yawjcit mingzleih, caenhrox okrengz gyoengqde, gamjdoengh dwk baenz daih baenz daih bouxcoz nyezrauh dou. Cograwz gou hix siengj baenz boux hangzdenhyenz ndeu, saedyienh gij loqsiengj hwnjmbwn gou.

Cienzswnj hangzdenh cingsaenz, cengguh nyezcauq mizyungh. Baez daengz mwh gou muenghyawj gwnzmbwn, gou cungj youq ndawsim gag lwnh bonjfaenh nyi, yaek vih le gij loqsiengj hwnj mbwn gou bae roengzrengz hagsib.

(Luz Meijcinz / raiz
Yinj Fuzgen / hoiz)

